

**MAKLUMBALAS LAYANAN CUKAI BARANG DAN
PERKHIDMATAN (CBP) MALAYSIAN INSTITUTE OF
ACCOUNTANTS**

1. Bayaran rebat (komisyen) yang diperolehi dari ejen di China untuk perkhidmatan pengendalian barang yang dibuat di Malaysia adalah tertakluk kepada GST pada kadar standard. Butiran 12 Jadual Kedua, Perintah Cukai Barang dan Perkhidmatan 2014 adalah tidak terpakai kerana barang berada di Malaysia pada masa perkhidmatan itu dilaksanakan.

Sebaliknya, bagi bayaran komisyen yang dibuat kepada ejen di China untuk perkhidmatan pengendalian barang yang dibuat di China, ianya dianggap sebagai perkhidmatan yang diimport bagi ejen di Malaysia.

2. Bagi tujuan GST, penyimpanan barang (*storage of goods*) tidak termasuk dalam kategori pengendalian barang. Merujuk kepada Butiran 3(1), Perintah Cukai Barang dan Perkhidmatan 2014.

Walau bagaimanapun, perkhidmatan penyimpanan barang hanya tertakluk kepada GST pada kadar sifar sekiranya perkhidmatan itu dibuat oleh pengendali pelabuhan (*port operator*). Jika ia dilakukan oleh pihak lain selain dari pengendali pelabuhan, ianya adalah tertakluk kepada GST pada kadar standard.

3. Jika *freight forwarder* hanya menyediakan perkhidmatan pengendalian barang, ianya adalah tertakluk kepada GST pada kadar standard. Merujuk kepada Butiran 5 Jadual Kedua, Perintah Cukai Barang dan Perkhidmatan 2014, perkhidmatan pengendalian barang hanya berkadar sifar jika ianya dilakukan oleh pembekal yang sama untuk perkhidmatan pengangkutan yang melibatkan pengangkutan domestik dan antarabangsa selaras dengan butiran 4 Jadual Kedua, Perintah Cukai Barang dan Perkhidmatan 2014.